

БНМАУ-ЫН ЭРҮҮЛИЙГ ХАМГААЛАХ ЯАМНЫ
САЙДЫН ТУШААЛ,
УЛААНБААТАР ХОТЫН АДХ-ЫН ГҮЙЦЭТГЭХ
ЗАХИРГААНЫ ТОГТООЛ

1987 оны 8 дугаар
сарын 6-ны өдөр

Дугаар *179/238*

Улаанбаатар
хот

Элэг, цэсний архаг өвчтэй хүүх-
дийн сувилал байгуулах тухай

БНМАУ-ын Сайд нарын Зөвлөлийн 1987 оны 43, Хөдөлмөр, ний-
гэм хангамжийн улсын хорооны 1987 оны 91 дүгээр тогтоолуудыг
хэрэгжүүлэх зорилгоор Эрүүлийг хамгаалах яам, Улаанбаатар хо-
тын АДХ-ын гүйцэтгэх захиргаанаас ТОГТООХ нь:

1. Халдвартын улсын диспансерийн элэг цэсний архаг өвчтэй
хүүхдийг эмчлэх тасгийг Улаанбаатар хотын элэг, цэсний өвчтэй
хүүхдэд зориулан 1987 оны 7 дугаар сарын 1-нээс эхлэн биеэ даа-
сан сувилал болгон Улаанбаатар хотын Эрүүлийг хамгаалах газарт
харьяалгуулсугай.

2. Улаанбаатар хотын элэг, цэсний архаг өвчтэй хүүхдийн
сувиллын дүрэм, үйл ажиллагааны журмыг 1, 2 дугаар хавсралтаар
баталсугай.

3. Улаанбаатар хотын элэг, цэсний архаг өвчтэй хүүхдийн суви-
лалыг зохион байгуулалт, арга зүй, мэргэжлийн удирдлагаар хан-
гаж ажиллахыг Халдварт өвчнийг анагаах улсын клиникийн төв эм-
нэлэг /н.Сүх/-т даалгасугай.

4. Тус тасгийн үндсэн ба эргэлтийн хөрөнгийг 8 дугаар сард
багтаан Улаанбаатар хотын Эрүүлийг хамгаалах газарт балансаас
балансад шилжүүлж өгөхийг Эрүүлийг хамгаалах яамны орлогч сайд
н.Нямдорж, хотын эрүүлийг хамгаалах газар /н.Бямбаа/-т даалгасу-
гай.

хотын АДХ-ын 1989 оны 161 дүгээр тогтоол
5. Элэг, цэсний архаг өвчтэй хүүхдийг эмчлэх тасгийг өргөт-
гөн биеэ даасан сувилал болж байгаатай холбогдуулан уг сувил-
лын төсөв, орон тоог зохих журмын дагуу хянан баталж санхүүжүү-
лэхийг Улаанбаатар хотын АДХ-ын гүйцэтгэх захиргааны санхүүгийн
хэлтэс /н.Гонгор/, Эрүүлийг хамгаалах газар /н.Бямбаа/-т даал-
гасугай.

БНМАУ-ЫН ЭРҮҮЛИЙГ ХАМГАА-
ЛАХ ЯАМНЫ САЙД

Ч. ЦЭРЭННАДМИД
Ч. ЦЭРЭННАДМИД

УЛААНБААТАР ХОТЫН АДХ-ЫН
ГҮЙЦЭТГЭХ ЗАХИРГААНЫ ДАРГА

С. МӨНХЖАРГАЛ
С. МӨНХЖАРГАЛ

БНМАУ-ын Эрүүлийг хамгаалах
яам, Улаанбаатар хотын АДХ-ын
гүйцэтгэх захиргааны 1987 ойн
№179/238 тоот тогтоолын
I дүгээр хавсралт

**ЭЛЭГ, ЦЕСНИЙ АРХАГ ӨВЧТЭЙ ХҮҮХДИЙН
УЛААНБААТАР ХОТЫН СУВИЛЛЫН ДҮРЭМ**

НЭГ. Нийтлэг үндэслэл

1. Элэг, цесний архаг өвчтэй хүүхдийн сувилал нь вируст гепатитын гаралтай архагшилт, даамжирах төлөвтэй буюу элэг, цесний архаг өвчтэй хүүхдийг хүлээн авч сувилан эрүүлжүүлэх, эмчлэн сэргийлэх биеэ даасан нэгж байгууллага-хуулийн этгээд мөн.
2. Элэг, цесний архаг өвчтэй хүүхдийн сувиллын үндсэн зорилт нь вируст гепатитээр өвчилж, хэвтэн эмчлүүлсний дараа бүрэн эдгэрээгүй ужиг хэлбэрт шилжих, элэг, цесний архаг үрэвсэл нь ицэвхтэй хэлбэрт орохоос урьдчилан сэргийлэх, сувилан эрүүлжүүлэх, энэ талаар гарсан анагаах ухааны ололт амжилт, тэргүүн туршлага, шинэ санаачилгыг амьдралд бүтээлчээр хэрэгжүүлж, эмчилгээ үйлчилгээний ажлын чанарыг дээшлүүлэхэд оршино.
3. Элэг, цесний архаг өвчтэй хүүхдийн сувилал нь Улаанбаатар хотын Эрүүлийг хамгаалах газрын шууд удирдлага Халдвартын улсын диспансерын мэргэжлийн удирдлагын дор үйл ажиллагаагаа явуулна.
4. Элэг, цесний архаг өвчтэй хүүхдийн сувилал үйл ажиллагаандаа БНМАУ-ын үндсэн хууль, эрүүлийг хамгаалах хууль, хууль тогтоомжийн бусад акт, Эрүүлийг хамгаалах яам, газар, хот, районы АДХ-ын гүйцэтгэх захиргааны шийдвэр, энэ дүрмийг удирдлага болгож, социалист хууль ёсыг сахин бэхжүүлэх явдлыг хангана.
5. Элэг, цесний архаг өвчтэй хүүхдийн сувиллыг Улаанбаатар хотын эрүүлийг хамгаалах газраас томилсон ерөнхий эмч толгойлж, сувиллын өмнө тавигдсан үүрэг зорилтыг ханган биелүүлэх ажлыг хотын эрүүлийг хамгаалах газрын өмнө хариуцна.
6. Элэг, цесний архаг өвчтэй хүүхдийн сувиллын ерөнхий эмч хууль тогтоомжид нийцүүлэн эрх хэмжээнийхээ асуудлаар тушаал заавар гаргаж, түүнийхээ биелэлтийг хангана.
7. Элэг, цесний архаг өвчтэй хүүхдийн сувилалд тус сувиллын үүрэг зорилтыг ханган биелүүлэхтэй холбогдсон гол чухал асуудлыг хамтран хэлэлцэж байхыг тулд зөвлөх эрхтэй захиргааны зөвлөл ажиллана. Захиргааны зөвлөлийг ерөнхий эмч толгойлно.
8. Элэг цесний архаг өвчтэй хүүхдийн сувиллын зохион байгуулалт орон тоо, төсвийг хот, районы АДХ-ын чуулганаар хэлэлцүүлэн батлуулж ажиллана.
9. Элэг, цесний архаг өвчтэй хүүхдийн сувилал тогтоосон журмаар хийсэн албан бичгийн тэмдэг, хэвлэмэл хуудас хэрэглэнэ.

2.

ХОЁР.Элэг, цөсний архаг өвчтэй хүүхдийн сувиллын үүрэг

Ю.Элэг, цөсний архаг өвчтэй хүүхдийн сувилал нь дор дурдсан үүрэг гүйцэтгэнэ.

а/сувилал нь элэг, цөсний архаг үрэвсэлтэй хүүхдийг эмчлэн сувилах бүх талын арга хэмжээг авч хэрэгжүүлнэ;

б/вируст гепатитээр өвчилсөн хүүхдийн эдгэрэлтийн байдалд судалгаа хийж, ужигралтыг бууруулах арга хэмжээг боловсруулж хэрэгжүүлнэ;

в/тус сувиллын сувилгаа, эмчилгээний үр дүнгийн талаар диспансер, райодын хүүхдийн эмч нарт жилд 2 удаа тайлангаа тавьж санал солилцож ажиллана.

г/вируст гепатитээр өвчилсний дараах эмчилгээ, сувилгаа, дэглэмийн талаар хүүхдийн эмч нарт мэргэжлийн зөвлөлгөө өгнө.

д/оношлогоо, эмчилгээ, сувилгаа, үйлчилгээний ажлын чанар, зохион байгуулалт, ажлын цагийн ашиглалтыг сайжруулах, хөдөлмөрийн социалист сахилга, дэг журмыг бэхжүүлэх, социалист уралдааныг өрнүүлэх, тэргүүн туршлагыг нэвтрүүлэх, дотоод нөөц бололцоог илрүүлэн ашиглахтай холбогдсон ажлыг зохион байгуулж хэрэгжүүлнэ;

е/сувиллын жил, таван жилийн төлөвлөгөөг боловсруулан баталж мөрдөнө.

ё/эмч ажилчдын мэргэжил, мэдлэг, улс төр, эдийн засгийн боловсролыг байнга дээшлүүлэх системтэй ажил зохиож, хүүхдийг асран сувилах, хүмүүжүүлэх арга барилыг байнга дээшлүүлж ажиллана.

ж/үйлчлэх хүрээний хүн амд ариун цэвэр, гэгээрлийн ухуулга сурталчилгааны ажлыг үр дүнтэй зохиож, эмнэлгийн анхны мэдэгдэхүүн олгох, бяцхан иргэдэд ахуйн соёлыг хэвшүүлэх, халдварт өвчнийг бууруулах ажил зохионо.

з/эмчилгээ сувилгаа болон төлөвлөгөөг ажлын тайланг системийн дээд байгууллагад тогтоосон хугацаанд өгөх, эмнэлэг үйлчилгээний тайланг хагас бүтэн жилээр гаргаж хөдөлмөрчдөөр хэлэлцүүлэн санал авч ажилдаа үнэлэлт дүгнэлт хийхийн зэрэгцээ ажилдаа аж ахуйч ажиллагааг нэвтрүүлэн арвилан хэмнэх, ашарат, багаж хэрэгслэл, тоног төхөөрөмжийн ашиглалт, эдэлгээний хугацааг уртасган сайжруулах, энэ ажилд ШБОС, тэргүүн туршлага дэлгэрүүлэх ажлыг зохион байгуулж үр дүнг тооцож ажиллах.

ГУРАВ.Элэг, цөсний архаг өвчтэй хүүхдийн сувиллын эрх

II.Элэг, цөсний архаг өвчтэй хүүхдийн сувилал нь дор дурдсан эрхийг эдлэнэ.

а/элэг, цөсний архаг өвчтэй хүүхдийн сувилалын ерөнхий эмч нь өөрийн эрхийн хэмжээнд тушаал, шийдвэр гаргана.

3.

б/халдварт өвчинтэй тэмцэх, архагшилтаас урьдчилан сэргийлэх, өвчилсний дараа гам сахих ажлыг сайжруулахтай холбогдсон зааварчилга зөвлөмж гаргаж халдвартын эмч, хэсгийн эмч нартай ажлаа холбон ажиллах.

в/вируст гепатит өвчний эдгэрэлт, архагшилт эмчилгээ сувилгааны талаар онол практикийн бага хурал, зөвлөлгөөн, семинар уулзалтад оролцох, зохион байгуулах.

г/хүүхдийн сувиллын эмчилгээ, сувилгаа, үйлчилгээ, боловсон хүчин, аж ахуйн үйл ажиллагаатай холбогдсон эрхийг сувиллын эрхлэгч /ерөнхий эмч/ ажил үүргийнхээ хуваарийн дагуу дангаараа буюу ҮЭ-ийн хороотой хамтран хэрэгжүүлнэ.

д/сувиллын төсөв орон тоонд тохируулан ажилтан ажилчдыг ажилд авах, халах, сайшаан урамшуулах, дээд байгууллагад тодорхойлох.

е/эрүүлийг хамгаалах яамны даалгавар буюу зөвшөөрсний үндсэн дээр эмнэлгийн шинэ ашарат, багаж төхөөрөмж, эмчилгээ сувилгааны шинэ арга хэлбэрийг өөрийн байгууллагад турших, магадлах, үнэлэлт дүгнэлт хийх эрхтэй.

ё/сувиллын үйл ажиллагааны үзүүлэлт, материалыг эрдэм шинжилгээний байгууллага, ажилтанд өгөх ба татгалзах эрхтэй.

ж/сувилалд хуваарилагдсан буюу хүсэлтээрээ ирж байгаа мэргэжлийн хүмүүсийг ажил мэргэжлийн шаардлага хангахгүй сахилга дэг журам, хүүхэд асрах, сувилах, хүмүүжүүлэх ажилд тэнцэхгүй гэж үзвэл ажилд авахыг татгалзах, ажилд тохирох хүний нэрийг дэвшүүлэх, мэргэжүүлэх эрхтэй.

з/сувиллын үйл ажиллагаа, эмчилгээ сувилгааг сайжруулах асуудал боловсруулж Эрүүлийг хамгаалах газраар дамжуулан Эрүүлийг хамгаалах яаманд санал оруулах.

БНМАУ-ын Эрүүлийг хамгаалах яам, Улаанбаатар хотын АДХ-ын гүйцэтгэх захиргааны 1987 оны тоот тушаал, тогтоолын 2 дугаар хавсралт

УЛААНБААТАР ХОТЫН ЭЛЭГ ЦЕСНИЙ АРХАГ ӨВЧТЭЙ ХҮҮХДИЙН СУВИЛЛЫН ҮЙЛ АЖИЛЛАГААНЫ ЖУРАМ

Нэг. Ерөнхий зохион байгуулалт

1. Тус хүүхдийн сувилал нь 2-15 насны хүүхдийг сувилах 60 ортой I тасаг, физик эмчилгээ, процедур, элэгний бичлэг хийх кабинет /Реогенато графии/ хүлээн авах, лаборатори зэрэг туслах кабинетаас бүрдсэн I тасаг, захиргаа аж ахуй, гал тогоо, угаалга зэргээс бүрдсэн I тасаг, бүгд 3 тасагтайгаар зохион байгуулна.

2. Эдгээр тасгууд нь өөрсдийн үйл ажиллагааны онцлог, гүйцэтгэх үүрэгт тохирсон заавар, дүрмүүдийг сувиллын захиргаагаар батлуулан мөрдөж ажиллана.

Хоёр. Сувилалд хүүхэд хүлээн авах

1. Элэг, цесний архаг өвчтэй хүүхдийн сувилалд вируст гепатитын бүрэн биш эдгэрэлттэй, тогтонги хэлбэрийн архаг гепатит, цирроз, идэвхтэй хэлбэрийн архаг гепатитын намжмал үе болон вируст гепатитаар өвчилсний дараах австраль эсрэг төрөгч тээгчдийг тус тус хүлээн авч сувилна.

2. Сувилалд сувилуулах хүүхдийг Халдвартын улсын диспансер, эх хүүхдийн эрүүл мэндийг хамгаалах эрдэм шинжилгээний улсын нэгдсэн төв, райондын хүүхдийн поликлиникийн эмч нарын зөвлөлгөөний шийдвэрээр тус сувиллаас илгээсэн тоонд багтаан явуулна.

3. Хүүхдийг сувилалд хүлээж авахдаа төрсний гэрчилгээ, илгээмжийн хуудас, диспансерын хяналтын картгыг үндэслэн авна.

4. Хүүхдийн сувилалд шинээр ирэх хүүхдийг долоо хоногийн өдөр бүр 10-13 цагийн хооронд хүлээн авна.

5. Сувилалд сувилуулах хүүхдийн эцэг эх, хүүхдэд ариун цэврийн хэрэглэл, 2 ээлжийн дотуур хувцас, унтлагын хувцас, гэрийн шаахай зэргийг бүрдүүлж, хүүхдийн хувцас тус бүрд эвог нэрийг улаан өнгийн утсаар оёж, 40x60 см-ийн хэмжээний цагаан уутанд хийж ирүүлнэ.

Гурав. Сувиллаас хүүхэд гаргах журам

1. Тус сувилалд сувилуулсан хүүхдийг ирүүлсэн эмчлэлтг Эрүүлийг хамгаалах яамны сайдын 1971 оны тоот тушаалаар батлагдсан тооцооны 15-р маягтаар хүлээлгэж өгнө.

Дөрөв. Эмчилгээ сувилгаа, үйлчилгээний талаар

1. Сувилалд I удаа сувилуулахад биеийн байдалд тохируулан 22-45 хоногоор тогтооно.

2.

2. Сувилуулах шаардлагатай хүүхэд жилд 3-6 сарын завсарлагаатай хэд хэдэн удаа давтан сувилуулж болно.

3. Сувилуулж байгаа хүүхдийн эрүүл мэндийг эмч нар долоо хоногт 4-өөс доошгүй үзэж хүүхдийн биеийн байдлыг өвчний картанд тэмдэглэж, сувилгаа, эмчилгээний явцад үечилсэн дүгнэлт өгч ажлын бусад өдөрт физик эмчилгээ, реабилитация, реогенотерапийн кабинетуудад ажиллана.

4. Сувилуулж байгаа хүүхдэд шаардагдах шинжилгээг хийнэ.

5. Тус сувилалд сувилуулж байгаа хүүхдэд үзүүлэх нарийн мэргэжлийн эмч нарын зөвлөлгөөнийг холбогдох эмнэлгүүдээс дуудлагын журмаар дуудаж зөвлөлгөө авна.

6. Сувилалд байгаа хүүхдээс өөр эмнэлэгт хэвтэж эмчлүүлэх шаардлага гарвал өвчний нь дагуу нарийн мэргэжлийн больниц, хэрэв хүүхдийн эмнэлэгт хэвтэх шаардлагатай бол тус тусын эмнэлэгт шилжүүлнэ.

7. Элэг, цэсний архаг өвчтэй хүүхдийн сувилалын эмчилгээ, сувилгаанд хэрэглэгдэж байгаа зүү, шприц, багаж хэрэгслийг Халдварт өвчнийг анагаах улсын клиникийн төв эмнэлгийн ариутгалын тасагт зохих журмын дагуу ариутгуулж байна.

8. Сувилуулж байгаа хүүхдүүдэд шаардлагатай цусны биохимийн болон ферментийн идэвхийг тодорхойлох шинжилгээг Халдварт өвчнийг анагаах улсын клиникийн төв эмнэлэг, иммунологийн шинжилгээг ЭАХНС-ын институтын лабораторид тус тус хийлгэнэ.

Тав. Харшлах шалтгаан

1. Вирус гепатитын хурц үе дуусаагүй, мөн идэвхт үедээ байгаа элэг, цэсний архаг өвчтэй хүүхдийг авч сувилахгүй.

2. Хавсарсан өвчин нь орчиндоо харшлах нөлөөтэй бол авч сувилахгүй.

3. Вирус гепатитын бус гаралтай элэг, цэсний архаг үрэвсэлтэй хүүхдийг авч сувилахгүй.

4. Халдварт өвчний хавьтал болсон хүүхдийг хавьталын хугацаа дуустал авч сувилахгүй.